

na caminda pa carnaval

Informacion: _____

60 le carnaval

*** Bon siman carnavalistanan. Por a compronde cu e preparacionnan ta bayendo biento en popa y cu hopi ta kibrando cabez ainda cu e color di tela, adornonan, luznan, carozanan etc. etc.

Aunke eleccion quizas ta tumando un gran parti di e tempo, hopi di nan no ta focus mucho riba politica, pero mas bien pa nan preparacion pa asina engrandece nos carnaval 60 mas y mas.

Cobando den bukinan di archivo, nos a bin topa cu un relato cu a sali den brindis na aña 1975 caminda a puntra varios reina di kico por haci pa mehora carnaval.... Esaki tabata algun di nan contestanan y cu quizas awe ainda no a conoce mehoracion y cu por pone nan den practica pa carnaval 60 venidero.

Sra. Evelina Jansen Croes (q.e.p.d).
Reina di Carnaval 1955



" Pa cuminsa e cargador di e letreronan indicando e grupo cu ta wordo representa mester bisti e mesun disfraz cu e grupo cu ta anuncia of tur cargador di letreronan mester hiba e mesun tipo di uniform. Otro punto di masha importancia ta pa no laga ningun hende cu no ta disfraz participa den gruponan cu ta forma e desfile oficial. = Otro cos, tin hopi colonia di extranhero na Aruba cu si ta sinti pa carnaval y loque nan mester ta un empuhe chiquito pa ya nan ta den. Den caso asina mi ta kere cu SAC por acerca nan representante insular mustRANDO cu participando na carnaval no

solamente nan lo goza pero gozando nan lo contribui na engrandece nos carnaval.

= Otro instancia cu sigur mester coopera, ta e hotelan cu ta esnan cu ta directamente saca probecho for di carnaval,

Bo a haci bo contribucion anual caba?

Yuda Cruz Cora, Yuda Aruba!

Cruz Cora + Aruba

Aruba Bank # 14.15.629

pa nan forma nan grupo cu caroz y ademas cu por sirbi como un atraccion pa nan guestnan tambe.

= Cu relacion na premios, si ta posibel duna mas. Asina hende ta keda mas contento. Mester busca mas fondo pa haci esaki. Un punto masha importante, por ehempel, pa busca contribucion pa parti di comercio y pa parti di otro institucionnan pa publica un buki na color di cada carnaval.

= Tambe por pensa riba un rifa di cas. Esaki ta algo cu semper a duna resultado. Gobierno, ya cu ta imposibel pa logra un subsidio por edita un stampia especial en vista di carnaval durante 2 luna cual ingreso ta bay pa Stichting di Carnaval."

Dorinda Woisky Croes
Reina di carnaval 1965



"Carnaval kiermeen disfraz asina den parada e publico ta spera di wak hende disfraz y no bisti manera hopi sin

mascarada y si e grupo ta representa algun comercio, laganan haci mnaera Elmar tabata haci. Elmar ta contribui hopi pa carnaval, laganan purba contribui di e manera aki, pone loudspeakers na tur e ruta di carnaval y toca henter e parada di roadmarchnan di tur e añanan.

= Pa e autonan y trucknan mahos cu ta tumá parti den parada pa sirbi drinks na e gruponan, laganan traha nan barnan canto di caminda y ora nan grupo ta yegando nan por sirbi nan y cada grupo tin 4 of 5 bar y bebida ta wordo bendi cu carchi y cada grupo tin nan mesun color, y bebida no por wordo bendi cu publico, y na cada bar polis por para.

= Como nos carnaval ya ta un cento di nos turismo, nos mester weitapa tur cos ta mas nechí. E hendenan mester para weita e parada, pero no cana cruza door di e parada asina nan ta stroba e fotografonan di saca potret. Sacramento di potret ta un bon promocion pa nos isla.

= Cada distrito mester lanta un comite di carnaval, pasobra manera tur hende a ripara dos of tres grupo ta mata curpa y traha duro y e otronan cu por, pasobra tin hopi distrito cu por haci algo pa nos carnaval. = Nos prinsnan y panchi uza chasconan sano y no bulgar. Busca buki di chasconan cu no ta sushi y cu no ta rebaha nos comunidad."

Vilma Heronimo Lacle
Reina di Carnaval 1969



"Encuanto e parada mi ta haya cu mester bin un regla cu no por participa den parada cu flanelnan di propaganda pero nan por bisti cualquier disfraz, p.e. payaso, anto pone e nomber di propaganda riba e paña.

= Tocante di entrega di premio pa carnaval di mucha

y para grandi cada club of organizacion mester manda un representante como hurado y dos cu no ta pertenece na ningun club of sea tres turista hunto cu e representantenan di cada club of organizacion. = Keur e jokenan di e prins y pancho prome cu nan actua."

Cachita Lacle
Reina 1970



"Hopi hende ta bin pa wak nos parada. Nos tur mester contribui na esey pa bai cu algun disfraz. E no mester ta ni algo luhoso ni algo costoso, pero basta e ta carnavalesco. = Casnan comercial y gobierno mester coopera mas.

= En entregamento di yabi na prins cu pancho mester bira algo mas atractivo.

= Calypso King y Rey di Tumba mester bai eigenlijk tambe den parada. Despues cu nan sali elige, casi bo no ta wak nan mas.

= Enbez di e baile publico por organizaun old mask parade unda e hendenan por bin cu nan disfraz bieu of bisti na cualquier coi loco."

Silva Gomes Werleman
Reina di Carnaval 1972



"Cada distrito mester forma un comite di carnaval, cual ta programa nan mesun eleccion di reina, old mask parade,

baile di disfraz etc. y tambe p.e. pa join e old mask parade den un trahe di carnaval of forma un grupo disfraz.

= Algo bunita ta si cada reina bisti e disfraz di reina di e grupo cu e ta representa.

= Ban stimula e eleccion di reina di disfraz. "

Pamela Brown (q.e.p.d)
Reina di carnaval 1973



= E piezanan cu ta competi den contest di calypso y tuma lo ta bon si nan por wordo graba pa asina nos cantantenan haya mas propaganda y di e manera ey mas cantante lo participa. = Mester duna mas placa pa e grupo mes cu na caroz. = Organiza un baile den cual e bandanan por toca gratis pa esnan cu tin cu traha Diadomingo di parada."

Esaki ta algun di e tipnan cu e reinanan aki a duna hopi aña pasa cu sigur nan lo kier a mira haci den nos carnaval. Abo por tin potretnan bieu di e prome carnaval. Manda nan libremente pa aureen@diario.aw y nos lo publica nan den e siguiente edicion di "NA CAMINDA PA NOS CARNAVAL 60".



Telefonnan di
DIARIO Tel: 582 2239
Fax: 582 8551